P6 Burns Evening 2023

Please make sure you are learning the songs that you will be singing at your Burns Evening.

They should be brought to school each day and go home for homework.

There was a Lad

There was a lad was born in Kyle, But whatna day o' whatna style, I doubt it's hardly worth the while To be sae nice wi' Robin.

Robin was a rovin' boy, Rantin'rovin', rantin'rovin'; Robin was a rovin' boy, Rantin'rovin'Robin!

Our monarch's hindmost year but ane Was five-and-twenty days begun, 'Twas then a blast o' Janwar' 'Win' Blew hansel in on Robin.

He'll hae misfortunes great and sma', But ay a heart aboon them a' He'll be a credit till us a' We'll a' be proud o'Robin.

But sure as three times three mak nine, I see by ilka score and line, This chap will dearly like our kin', So leeze me on thee, Robin.

<u>Ae Fond Kiss</u>

Ae fond kiss, and then we sever; Ae fareweel, and then forever! Deep in heart-wrung tears I'll pledge thee, Warring sighs and groans I'll wage thee.

Had we never loe'd sae kindly, Had we never loe'd sae blindly, Never met—or never parted— We had ne'er been broken-hearted.

Fare thee weel, thou first and fairest! Fare thee weel, thou best and dearest! Thine be ilka joy and treasure, Peace. enjoyment, love, and pleasure!

Ae fond kiss, and then we sever; Ae fareweel, alas, forever! Deep in heart-wrung tears I'll pledge thee, Warring sighs and groans I'll wage thee!

For Auld Lang Syne

Should auld acquaintance be forgot And never brought to mind? Should auld acquaintance be forgot And the days of auld lang syne.

For auld lang syne, my dear For auld lang syne. We'll drink a cup of kindess yet For auld lang syne!

And there's a hand, my trusty feire, And gie's a hand o' thine; And we'll tak a right gude-willie waught, For auld lang syne.

The Devil's Awa wi' Th' Exciseman

The deil cam fiddlin' thro' the town, And danc'd awa wi' th' Exciseman, And ilka wife cries, "Auld Mahoun, I wish you luck o' the prize, man."

The deil's awa, the deil's awa, The deil's awa wi' the Exciseman, He's danc'd awa, he's danc'd awa, He's danc'd awa wi' the Exciseman.

We'll mak our maut, and we'll brew our drink, We'll laugh, sing, and rejoice, man, And mony braw thanks to the meikle black deil, That danc'd awa wi' th' Exciseman.

Chorus

There's threesome reels, there's foursome reels, There's hornpipes and strathspeys, man, But the ae best dance ere came to the land Was-the deil's awa wi' the Exciseman.

Chorus

The Star o' Rabbie Burns

There is a star whose beaming ray Is shed on ev'ry clime. It shines by night, it shines by day, And ne'er grows dim wi' time. It rose upon the banks of Ayr, It shone on Doon's clear stream -Twa hundred years are gane and mair, Yet brighter grows its beam.

Chorus

Let kings and courtiers rise and fa' This world has mony turns, Yet brightly beams abeen them a' The Star o' Rabbie Burns.

My Luve is like a red, red rose

O my Luve's is like a red, red rose That's newly sprung in June; O my Luve's is like the melody That's sweetly play'd in tune. As fair are thou, my bonnie lass, So deep in luve am I; And I will luve thee still, my Dear, Till a' the seas gang dry.

Till a' the seas gang dry, my Dear, And the rocks melt wi' the sun; I will luve thee still, my Dear, While the sands o' life shall run. And fare thee weel, my only Luve! And fare thee weel, a while! And I will come again, my Luve, Tho' it were ten thousand mile!

<u>To a Louse</u>

Address to a Haggis

Fair fa' your honest, sonsie face, Great chieftain o the puddin'-race! Aboon them a' ye tak your place, Painch, tripe, or thairm: Weel are ye wordy o' a grace As lang's my arm. The groaning trencher there ye fill, Your hurdies like a distant hill, Your pin wad help to mend a mill In time o need, While thro your pores the dews distil Like amber bead. His knife see rustic Labour dight, An cut you up wi ready slight, Trenching your gushing entrails bright, Like onie ditch; And then, O what a glorious sight, Warm-reekin, rich! Then, horn for horn, they stretch an strive: Deil tak the hindmost, on they drive, Till a' their weel-swall'd kytes belyve Are bent like drums; The auld Guidman, maist like to rive, Bethankit' hums. Is there that owre his French ragout, Or olio that wad staw a sow, Or fricassee wad mak her spew Wi perfect scunner, Looks down wi sneering, scornfu view On sic a dinner? Poor devil! see him owre his trash. As feckless as a wither'd rash, His spindle shank a guid whip-lash, His nieve a nit; Thro bloody flood or field to dash, O how unfit! But mark the Rustic, haggis-fed, The trembling earth resounds his tread, Clap in his walie nieve a blade, He'll make it whissle; An legs an arms, an heads will sned. Like taps o thrissle. Ye Pow'rs, wha mak mankind your care, And dish them out their bill o fare, Auld Scotland wants nae skinking ware That jaups in luggies: But, if ye wish her gratefu prayer, Gie her a Haggis

HA! whare ye gaun, ye crowlan ferlie! Your impudence protects you sairly: I canna say but ye strunt rarely, Owre gawze and lace; Tho' faith, I fear ye dine but sparely, On sic a place.

Ye ugly, creepan, blastet wonner, Detested, shunn'd, by saunt an' sinner, How daur ye set your fit upon her, Sae fine a Lady! Gae somewhere else and seek your dinner, On some poor body.

Swith, in some beggar's haffet squattle; There ye may creep, and sprawl, and sprattle,

Wi' ither kindred, jumping cattle, In shoals and nations;

Whare horn nor bane ne'er daur unsettle, Your thick plantations.

Now haud you there, ye're out o' sight, Below the fatt'rels, snug and tight, Na faith ye yet! ye'll no be right, Till ye've got on it, The vera topmost, towrin height O' Miss's bonnet.

My sooth! right bauld ye set your nose out,

As plump an' gray as onie grozet: O for some rank, mercurial rozet, Or fell, red smeddum, I'd gie you sic a hearty dose o't, Wad dress your droddum!

I wad na been surpriz'd to spy You on an auld wife's flainen toy; Or aiblins some bit duddie boy, On 's wylecoat; But Miss's fine Lunardi, fye! How daur ye do 't?

O Jenny dinna toss your head, An' set your beauties a' abread! Ye little ken what cursed speed The blastie's makin! Thae winks and finger-ends, I dread, Are notice takin!

O wad some Pow'r the giftie gie us To see oursels as others see us! It wad frae monie a blunder free us An' foolish notion: What airs in dress an' gait wad lea'e us, And ev'n Devotion!

Tam O'Shanter

Weel mounted on his gray mare, Meg--A better never lifted leg--Tam skelpit on thro' dub and mire; Despisin' wind and rain and fire. Whiles holding fast his gude blue bonnet; Whiles crooning o'er some auld Scots sonnet;

Whiles glowring round wi' prudent cares, Lest bogles catch him unawares: Kirk-Alloway was drawing nigh, Whare ghaists and houlets nightly cry.

When, glimmering thro' the groaning trees, Kirk-Alloway seem'd in a bleeze; Thro' ilka bore the beams were glancing; And loud resounded mirth and dancing.

Warlocks and witches in a dance; Nae cotillion brent-new frae France, But hornpipes, jigs strathspeys, and reels, Put life and mettle in their heels.

Till first ae caper, syne anither, Tam tint his reason a' thegither, And roars out, "Weel done, Cutty-sark!" And in an instant all was dark: And scarcely had he Maggie rallied, When out the hellish legion sallied.

As eager runs the market-crowd, When "Catch the thief!" resounds aloud; So Maggie runs, the witches follow, Wi' mony an eldritch skriech and hollo.

Now, do thy speedy utmost, Meg, And win the key-stane o' the brig; There at them thou thy tail may toss, A running stream they dare na cross. But ere the key-stane she could make, The fient a tail she had to shake! For Nannie, far before the rest, Hard upon noble Maggie prest, And flew at Tam wi' furious ettle; But little wist she Maggie's mettle -Ae spring brought off her master hale, But left behind her ain gray tail; The carlin claught her by the rump, And left poor Maggie scarce a stump.